



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

EX Eodem Concilio Ivxta Exemplar praedictum, lib. 6. cap. 7.

urn:nbn:de:hbz:466:1-15072

ANNO
CHRISTI
#14.

XXIV.

Si quis sponsam habens, forori eius forsitan intulerit ^{* violentiam,} vitium, eique inhæserit tamquam suæ: hac autem decepta, postea vxorem duxerit desponsatam: illa vero quæ vitium passa est, si forte necem sibi intulerit; omnes hi qui facti huius sunt conscii, decem annis in pœnitentiam redigantur, secundum Canones constitutos.

^m *Nomina Episcoporum qui ad Ancyranam Synodum conuenerunt, & subscripserunt.*

Vitalis Antiochenus Syriæ Cœles.	Pacatianæ.
Agricolaus Cæsareæ Palæstinæ.	Sergianus Antiochiæ Pisidiæ, siue Cariæ.
Marcellus Ancyre Galatiæ primæ.	Epidaurus Pisidensis Pamphylia.
Lupus Tarsensis Ciliciæ.	Narcissus Neroniadis Ciliciæ.
^{* Armeniz maioris,} Basilus Amasenus * Hellepontis.	Leontius Cæsareensis Cappadociæ primæ.
Philadelphius Iuliopolis Galatiæ primæ.	Longinus Neocæsareensis Pontis Palemoniaci.
Eustolius Nicomediæ Bithyniæ.	Amphion Epiphaniæ Ciliciæ secundæ.
^{* Zelenensis} Heraclius * Zelenis Armeniæ maioris.	Salamenus Germaniciæ Cœlesyriæ.
^{* Pisidiæ,} Petrus Iconiensis * Lycaoniæ.	Germanus Neapolis Palæstinæ.
Nunechius Laodiceæ Phrygiæ	

ⁿ **CAPITVLA DVO ANCYRANI**
Concilii, ex quodam libello sexdecim librorum partialium desumpta, lib. 6. cap. 6.

De illo qui domino suo iubente homicidium fecerit.

SI quis liber (iubente domino suo) seruum eius occiderit, vt homicidium sponte commissum, pœniteat.

EX EODEM CONCILIO IVXTA EXEMPLAR
prædictum, lib. 6. cap. 7.

Vt Episcopi de parochiis suis sortilegos & maleficos expellant.

VT Episcopi eorumque ministri omnibus viribus elaborare studeant, vt perniciosam & a diabolo inuentissimū 4. 5.
Concil. Tom. 2. I ij

tam, fortilegam & maleficam artem penitus ex parochiis suis eradicent. Et si aliquem virum aut feminam huiusmodi sceleris sectatorem inuenerint, turpiter de honestatum, de parochiis suis eiiciant. Ait enim Apostolus: *Hæreticum hominem post secundam & tertiam correctionem deuita, sciens quia subuersus est, qui eiusmodi est.* Subuersi sunt, & a diabolo capti tenentur, qui derelicto creatore suo, a diabolo suffragia quærunt. Et ideo a tali peste mundari decet sanctam Ecclesiam. Illud etiam non est omittendum, quod quædam sceleratæ mulieres, retro post satanam conuersæ, dæmonum illusionibus & phantasmatis seductæ, credunt & profitentur se nocturnis horis cum Diana paganorum dea, vel cum Herodiade & innumera multitudine mulierum, equitare super quasdam bestias, & multa terrarum spatia intempesta noctis spatio pertransire, eiusque iussionibus velut dominæ obedire, & certis noctibus ad eius seruitium euocari. Sed vtinam hæc solæ in sua perfidia perissent, & non multos secum in infidelitatis interitum pertraxissent. Nam innumera multitudo, hac falsa opinione decepta, hæc vera esse credit, & credendo a recta fide deuiat, & in errores paganorum reuoluitur, cum aliquid diuinitatis aut numinis extra vnum Deum arbitratur. Quapropter sacerdotes per Ecclesias sibi commissas populo omni instantia prædicare debent, vt nouerint hæc omnimodis esse falsa, & non a diuino, sed a maligno spiritu talia phantasmata mentibus fidelium irrogari. Siquidem ipse satanas, qui transfiguratur se in angelum lucis, cum mentem cuiusque mulierculæ ceperit, & hanc sibi per infidelitatem subiugauerit, illico transformatur se in diuersarum personarum species atque similitudines, & mentem quam captiuam tenet, in somnis deludens, modo læta, modo tristia; modo cognitas, modo incognitas personas ostendens, per deuia quæque deducit. Et cum solus spiritus hoc patitur, infidelis mens hæc non in animo, sed in corpore opinatur euenire. Quis enim non in somnis & nocturnis visionibus extra se educitur, & multa videt dormiendo, quæ nunquam viderat vigilando? Quis vero tam stultus & hebes est, qui hæc omnia, quæ in solo spiritu fiunt, etiam in corpore accidere arbitretur; cum Ezechiel propheta visiones Domini in spiritu,

Tit. 3.

2. Cor. 11.

Ezechiel in
multis cap.

ANNO
CHRISTI
314.

non in corpore vidit? Et Ioannes Apostolus Apocalypsis *Apoc. 1.*
sacramentum in spiritu, non in corpore, vidit & audiuit,
sicut ipse dicit: *Statim*, inquit, *sui in spiritu*. Et Paulus non *2. Cor. 12.*
audet dicere se raptum in corpore. Omnibus itaque pu-
blice annuntiandum est, quod qui talia & his similia cre-
dit, fidem perdit. Et qui fidem rectam in Domino non ha-
bet, hic non est eius, sed illius in quem credit, id est, dia-
boli. Nam de Domino nostro scriptum est: *Omnia per ipsum* *Ioan. 1.*
facta sunt. Quisquis ergo credit posse fieri, aliquam crea-
turam aut in melius aut in deterius immutari, aut trans-
formari in aliam speciem vel similitudinem, nisi ab ipso
creatore, qui omnia fecit, & per quem omnia facta sunt,
proculdubio infidelis est, & pagano deterior.

NOTÆ.

^a *Ancyranum Concilium.*] Postquam per obitum Maximini per- *Causa Cõ-*
secutoris, ab Ecclesia omnis metus tyrannidis propulsatus esset, *cilii.*
orientales Episcopi hac pacis occasione freti, ad instantiam lapsor-
um in Ecclesiæ communionem, a qua tormentorum metu excide-
rant, recipi petentium, auctore Vitali Antiocheno Episcopo, vt pro-
babile est, conuocati, Ancyra conuenerunt, ideo quod ad eam vr-
bem in meditullio regionis sitam, minoris Asia Episcopi, Cappa- *Locus*
doces, Pontici, Armeni, & Cilices, & Syri facilius conuenire possent. *Concilii.*
Octodecim Episcopi, qui fere omnes & singuli etiam Nicæno Con- *Numerus*
cilio interfuerunt, congregati in causa lapsorum, afflatu Spiritus *Episcopo-*
sancti edocti, illud idem constituerunt, quod sub Deciana perfec- *rum.*
tione Romæ Cornelius, Carthagine Cyprianus, in Ponto Grego-
rius, & demum sub Diocletiani tyrannide Petrus Alexandrinus E- *Quid hoc*
piscopus in Ægypto, Episcopi Hispaniæ Eliberi, vnanimi con- *Concilio*
sensu, quantumuis loco ac tempore separati fuerint, pie ac sancte *statutū sit.*
decreuerunt; ne scilicet quisquam lapsorum ad Ecclesiæ commu-
nionem admittatur, qui non ante pœnitentiam delicto conuenien-
tem egerit, & pro crimine debite satisfecerit. In quem finem vi- *Quot Ca-*
ginti quatuor Canones ediderunt, vnde quam quisque pœniten- *nonnes sta-*
tiam agere debeat, facile cognoscere potest. Duos reliquos, qui ad *tuti.*
finem adiecti sunt, verisimilius est a Damaso Pontifice, non a Pa-
tribus huius Concilii constitutos esse. Extat autem Canonum tri- *Concilium*
plex editio, quarum primam, quæ est Dionysii Exigui, iure meri- *approbatū*
toque sequimur. Hoc Concilium a Nicæna Synodo vniuersali ap- *est.*
probatum esse, constat Act. 4. Concilii Florentini.

Ancyra autem, teste Plinio lib. 5. capite vltimo, dicta est ab an-
coris nauium captarum a Mithridate, quas Ptolemæus Ægypti rex
suppetias Galatis, seu Gallogræcis miserat, cuius meminit Ptole-
mæus lib. 5. cap. 4. Concilium Ancyranum celebratum in ciuitate